

## Հ Ա Շ Վ Ե Տ Վ ՈՒ Թ Յ ՈՒ Ն

### ՀԱՐՈՒԹՅՈՒՆ ՍԱՐԳՍՅԱՆԻ Ք. ԴԱԼԱՍ (ԱՄՆ, ՏԵԽԱՍ ՆԱՀԱՆԳ) ԳՈՐԾՈՒՂՄԱՆ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ԱՐԴՅՈՒՆՔՆԵՐԻ ՎԵՐԱԲԵՐՅԱԼ

- 1. Քաղաքացիական ծառայողի անունը, ազգանունը.** Հարություն Սարգսյան
- 2. Զբաղեցրած պաշտոնը.** ՀՀ գիտության կոմիտեի գիտական գործունեության կազմակերպման վարչության գիտական փորձաքննության կազմակերպման բաժնի պետ
- 3. Գործուղման վայրը և ժամկետները.** ԱՄՆ, Տեխաս նահանգ, ք. Դալաս, 12-22 մայիսի, 2023 թվական
- 4. Հրավիրող կողմը.** Regeneron միջազգային գիտական և ինժեներական փառատոնին (Regeneron International Science and Engineering Fair - ISEF)
- 5. Գործուղման նպատակը (աշխատանքային որ խնդրի լուծման համար էր նախատեսված գործուղումը).** Հայկական համադպրոցական գիտության փառատոնի մրցանակակիր աշակերտների ուղեկցում Regeneron International Science and Engineering Fair – 2023 մրցույթին:
- 6. Քննարկված թեմաները.**
  - Այցի շրջանակներում հանդիպել եմ Regeneron International Science and Engineering Fair-ի միջազգային համագործակցության ղեկավար Շերոն Սնայդերին և գլխավոր մասնագետ Նատալի Կիներին, որի ժամանակ քննարկվել են ընթացիկ աշխատանքային հարցեր, ՀՀ մասնակցությունը 2024 թվականին կայանալիք Regeneron International Science and Engineering Fair-ին:
- 7. Հանդիպումները, ելույթները, բարձրացված կամ քննարկված հարցերը.**

Մասնակցել եմ Regeneron International Science and Engineering Fair-ի շրջանակներում կազմակերպված դասախոսություններին, միջոցառումներին, հանդիպումներին և աշխատաժողովներին: Աշխատաժողովների ժամանակ քննարկվել են Regeneron International Science and Engineering Fair-ի մասնակցության պայմանները, նախագծեր ներկայացնելու համար պարտադիր փաստաթղթերը, գիտական էթիկայի ձևաթղթերը և նրանց լրացման պայմանները:
- 8. Հանդիպումների ժամանակ ընդունված որոշումները, պայմանավորվածությունները, ստորագրված փաստաթղթերը.**

Հայաստանի Հանրապետությունը ներկայացնող աշակերտները Հատուկ մրցանակ անվանակարգում իրենց կողմից կատարված հետազոտական նախագծի համար Սաուդյան Արաբիայում գործող «Թագավոր Աբդուլազիզի և ընկերների «Mawhiba» հիմնադրամի» կողմից արժանացել են արաբական աշխարհում ամենաբարձր վարկանիշ ունեցող համալսարաններից մեկի՝ Թագավոր Ֆահդի անվան Նավթի և Միներալների համալսարանի («King Fahd University of Petroleum and Minerals (KFUPM)» ամբողջական կրթաթոշակի և 400 \$ դրամական պարգևի:

Ձեռք է բերվել նախնական պայմանավորվածություն Հայաստանի անդամակցության և աշակերտների մասնակցության «Stockholm international youth science seminar»-ին, 2025 թվականին Հարավային Կորեայում կազմակերպվող միջազգային գիտության փառատոնին:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Հայաստանի Հանրապետության դպրոցականների շրջանում գիտության փառատոնին մասնակցությունն ակտիվացնելու, դպրոցներում հետազոտական բաղադրիչը ավելացնելու, Regeneron միջազգային գիտական և ինժեներական փառատոնին (International Science and Engineering Fair - ISEF), ինչպես նաև այլ միջազգային գիտության փառատոններին պատշաճ մասնակցություն ապահովելու նպատակով անհրաժեշտ է ուսուցիչների և աշակերտների շրջանում կազմակերպել տեղեկատվական հանդիպումներ, ներկայացնել Գիտության փառատոնի նպատակը, ընթացակարգը, մասնակցության պայմանները, մասնակիցներին ընձեռնված հնարավորությունները: Հայկական համադպրոցական գիտության փառատոնի ժյուրիի կազմի հետ հանդիպումների ընթացքում ներկայացնել միջազգային փառատոնների գնահատման չափանիշները, մասնակից նախագծերին ներկայացվող պահանջները:

24 մայիսի, 2023 թվական

ՀՀ գիտության կոմիտեի գիտական գործունեության  
կազմակերպման վարչության գիտական  
փորձաքննության կազմակերպման բաժնի պետ`

Հարություն Սարգսյան